

- Pan-European University Apeiron • Faculty for Business Economics •
 - EDASOL - Series on International scientific conferences on economic development and standard of living •
 - Adress: Pere Krece 13, 78000 Banja Luka, Bosnia and Herzegovina (RS) •
 - Email: edasol@apeiron-edu.eu • Web: www.edasol-au.com • Tel: +387 (0)51 247 974 •
-

VI. INTERNATIONAL SCINETIFIC CONFERENCE ON ECONOMIC DEVELOPMENT AND STANDARD OF LIVING "EDASOL 2016"

Date: Friday, October 21, 2016
Time: 10:30 a.m. – 11:50 a.m.
Venue: Banja Luka / Pan-European University Apeiron /
Room: (A-1): for opening ceremony



BanjaLuka, October 21, 2016

FRIDAY, OCTOBER 21, 2016

Room: A-1, first floor

10:40 a.m.

Poštovana predsjedavajuća konferencije,

Dragi učesnici Šeste međunarodne konferencije o ekonomskog razvoju i životnom standardu EDASOL 2016,

Kao domaćin ove konferencije, želim da Vas pozdravim u ime menadžmenta univerziteta i u moje lično ime, da zaželim dobrodošlicu na Panevropski univerzitet Apeiron svim gostima i učesnicima konferencije.

Ove godine smo se opredijelili da je fokus naše pažnje Evropska Unija i njeni institucionalni kapaciteti za integraciju i priključenje zemalja Zapadnog Balkana u njeno punopravno članstvo.

Smatramo da su šanse i izazovi postavljeni veoma visoko u vrhu prioriteta svih relevantnih aktera procesa evropskih integracija na svim nivoima u svim zemljama Zapadnog Balkana koje još nisu postale članice Evropske Unije.

Nakon pristupanja Republike Hrvatske Evropskoj Uniji, pojavio se značajan jaz i raskorak između progressa u ostatku Baklanskog poluostrva koji je geografski potčinjen evropskom kontinentu, međutim u kontekstu tranzicije ka punopravnom članstvu u Evropsku Uniju Balkan se nalazi u sasvim različitim fazama ideološkog, konceptualnog i stvarnog djelovanja. Bez dileme možemo zaključiti da su političke odluke vlasti u balkanskim zemljama bile usmjerene na putu u punopravno članstvo i ovi procesi se danas nalaze u različitom kapacitetu i intenzitetu implementacije tih politika. To znači da je Evropska unija i dalje ključni pokretač društveno-ekonomskih transformacija i oslonac stabilnosti u zemljama Zapadnog Balkana, bez obzira na različite izazove koji se javljaju kako u samoj Evropskoj uniji i njenim članicama, tako i u zemljama Zapadnog Balkana i njihovim unutrašnjim i međusobnim odnosima.

Danas ključni izazovi za Evropsku uniju i dalje predstavlja politika proširenja na ostatak evropskog kontinenta, te su mehanizmi djelovanja Evropske unije usmjereni na jačanje kapaciteta naših država u cilju osiguranja propisanih uslova za punopravno članstvo.

Međutim, s druge strane, pojavljuju se izazovi unutrašnjih i međusobno konfliktnih situacija u nekim zemljama, kao što su determinisani uslovi Bosne i Hercegovine i njene dejtonske ustavne arhitekture, Srbije sa kosovskim pitanjem ili Makedonije sa pitanjem njenog imena i druga pitanja, koja, u trenutnim političkim okvirima, predstavljaju realna ograničenja zemalja za njihov iskorak ka prihvatanju propisanih normi i standarda Evropske unije, bez uticaja na realno obezvređivanja nacionalne, autonomne ili bilo koje druge pripadnosti i slobode u društvu i društvenim odnosima ovih zemalja.

Ova simbolički postkonfliktna ili tranziciona ili predpristupna ograničenja u procesima evropskih integracija zemalja Zapadnog Balkana prožimaju se i na svim drugim nivoima društvene svijesti, društvenih struktura i sistema, što jasno usporava taj put koji su zacrtale političke vlasti ovih zemalja u njihovim odlukama za članstvo i sadejstvu sa institucijama EU. Pojednostavljeno rečeno, u različitim vremenskim intervalima, usljed prethodno opisanog uzroka stanja usporenog kretanja u evropskim integracionim procesima, dolazi do zastoja i pojavljuju se efekti takozvane „obmane“ i „samoobmane“, gdje se onda odstupa od kriterija koji vrijede za sve u Evropskoj uniji, pravdajući takve postupke sa visoko rangiranim interesima zemalja - nacionalnim, kulturnim, religijskim, ekonomskim, vojnim ili sličnim, kako bi se izbjegla politička odgovornost za preuzete obaveze harmonizacije i usklađivanja sa pravnom stečevinom Evropske Unije – AKIJEM. Stim u vezi, mi u akademskoj zajednici nosimo isto tako neodvojivo važnu ulogu i odgovornost u našoj misli, promišljanju i djelovanju u ovim društvenim procesima i odnosima prema evropskim integracijama u našim državama, jer je više nego očigledno da se naša društva nalaze u jednoj ideološkoj i društvenoj prekretnici koja će odrediti dalji tok društvenog funkcionisanja za naredne generacije. U tom smislu, mi na Panevropskom univerzitetu smo imali na umu te činjenice i pozvali akademsku i ostalu stručnu zajednicu da na ovogodišnjoj konferenciji pokuša dati određeni doprinos temi o evropskim integracijama na Zapadnom Balkanu. Nadam se da smo u tom pogledu uspjeli bar malo da osvjetlimo naš društveni put i ja Vam se još jednom zahvaljujem na dolasku i učešću na ovoj konferenciji.

Rukovodeći se ovim našim namjerama i željama, proglašavam ovogodišnju šestu međunarodnu naučnu konferenciju o ekonomskom razvoju i životnom standardu EDASOL 2016, svečano otvorenom.

Hvala na pažnji

Prof.dr.Esad Jakupović

Rektor Panevropskog univerziteta Apeiron Banja Luka